

Imm. 146: Greenland Airports International A/S-imi piginnissutsit tamakkerlugit pissarsiarinissaat siunertaralugu, Naalakkersuisut naalagaaffiup oqartussaasuinut (Rigsmyndighederne) saaffiginninnissaannut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Naleraq)

Akissuteqaat

(Naalakkersuisut Siulittaasuat)

Aappassaaneerineq

Greenland Airports International A/S-imi Naalagaaffiup aktiaataasa pissarsiarinissaannik siunnersuut pillugu Aningaasaqarnermut Akileraartarnermullu Ataatsimiititaliap isumaliutissiissummik peqqissaarullugu suliaqarneranut Naalakkersuisut qutsavigiumavaat.

Siunnersuutip tunngaviumik siunertaanut Naalakkersuisut isumaqataapput. Greenland Airports International A/S-imi ataatsimoortillugu piginnittuuneq kalaallit inuianniissasoq siunissamut ungasinnerusumut anguniagaavoq, anguniagaajuassallunilu. Danskita naalagaaffiat ingerlatseqatigiiffimmi immikkoortortaqarfiusumi Greenland Airports International A/S-imi ikinnerussuteqartumik aktianik 33%-iinnarmik piginnittuummat, Naalakkersuisut Greenland Airportsimi aamma Mittarfeqarfiit A/S-imi Naalakkersuisut ataatsimut piginnittuunermi ullumikkut nunami pingaarnertut aalajangiinernut, mittarfinillu ingerlatsinermut tamakkiisumik nakkutiginnipput.

Taamaakkaluortoq naalagaaffiup Greenland Airports International A/S-imi piginnittuuneranik tamakkiisumik tigusinissaq nunap karsianut nammakkiutaanngitsumik aningaasatigut illersorneqarsinnaasumik, inuiaqatigiinnilu siuariartornissamik pilersitsisussamik pisariaqarmat sulii erseqqissaatigineqassaaq.

Naalakkersuisut maluginiarpaat, ataatsimiititaliap nammineerluni allannguutissatut siunnersuutigisani akuersissutigineqassasoq, ataatsimiititaliap tamarmiusup inassutigimmagu. Ataatsimiititaliap tamarmiusup isumaqatigiinnera ataqqillugu, ataatsimiititaliap allannguutissatut siunnersuutigisaani allasimasutut Greenland Airports International A/S-imi tamakkiisumik piginnittuunerup 2027-mi januaarip aallaqqaataa tikitsinnagu tiguneqarnissaa siunertaralugu, Naalakkersuisut Naalagaaffeqatigiinnermi oqartussaasut attavigissavaat.